

摘藻堂四庫全書薈要

集部

欽定四庫全書薈要卷一萬三千四百四十七

集部

御製詩三集卷十八

古今體一百五首

壬午二

恭奉

皇太后南巡啓蹕再疊前韻

有序

年占午正宜揚南國之旌月肇寅生爰效東皇之  
駕當朔塞九功奏凱慶逮乘時况

西池七袞稱觴懽逾獻歲時乃燕臺日近魯甸春迴指

吳頭則堰莅觀河臨越角而塘循捍海詔卻綵棚  
鐙帳何以文為風陳巷舞衢謳無非事者然而典  
符三接辰紀十周求民莫以給鋪厘呼庚癸體

懿懷而紆軫重閱辛壬維再巡令則還仍用誌憑軒伊  
始想一路歡聲可即如言候仗何遲云爾

初歲開壬甫背辛答陽任養叙彝倫添

籌纔度七旬慶養

志還符五載巡每為賑賙傳蹕止

本擬辛巳南巡以下  
河窪地偶值偏災復

改為  
壬午

幸逢給足俾情申南轅始命展軫僕澤國遙懷引

領民寧以行時吳與越肯忘遇澇衛還陳十行不惜恩

加月

去秋豫河湯口奪溜數郡被災亟命地方大吏妥為撫恤開年復命從優加展賑期

四海惟

期澤普春日奉

慈顏心有喜途臨韶序景從新行宮所幸前遭者武定

聊無籌筆頻

丁丑南巡時賊酋巴雅爾等構釁兩路進討軍書逕達行在故有敢廢軍書裁決頻

之句

駐良鄉行宮疊舊作韻

黃圖古冀緬廬胥堯以為心久愧諸惟是敬誠凜無逸  
庶幾風俗復還初時巡民瘼體母怠日侍

慈顏樂有餘詎可深宮懷宴息聖人見說貴鶉居

良鄉行宮奉

皇太后觀煙火即事得句

時巡啓蹕先

去聲

元宵初頓黃圖路不遙迎節欣邀

慈聞豫送鑒况集外藩朝

是夕在京王公及外藩送駕者皆令預觀

紫瀾欲

定風澄晚七寶將圓月燭霄大野春銓民共樂廣陵却

笑躡虹橋

良鄉行宮再疊舊韻

立春昨日欣逢雪便覺春琴藹帝江啓蹕正宜迎氣始  
行宮韶旭曠明窓

心欲其安身欲勞挑鐙義府足怡遨賦詩何必多明憶  
每至摘詞興輒豪

清風一牖春秋韻明月滿庭今古情無盡藏真大公物  
坡翁遊戲語猶誠

翠華三度指東南遮莫遊情覺已酣  
豁賦省耕度入河聲  
務其他無欲孰窺探

郊臺

廣陽南五里封土建郊臺每過欽

天佑非關調域開戰袍解昔勞去聲纏帽扈今來年班來  
謁諸回

人皆令隨行過上元始  
分路命侍衛帶往各城  
迴憶誠徹偉淵衷益慎哉

弘恩寺

祇園古道左來往駐旌仍僧有毘尼行  
去聲梵言毘尼  
華稱戒律也

佛無聖見乘

聲聞緣覺無凡見尚有聖見惟佛乘始無聖見

時禽鳴意喜靜室

懃心澂即境思名義敷恩亦欲弘

琉璃河

大防玉石源流遠卧渚長橋來往資  
未泮春冰沙漲岸  
潁臨真是白琉璃

過督亢陂因詠荆軻事

使上聲使去聲持圖西獻秦  
強秦豈不利求真數千里外此

何用讀史誰誠具眼人



擊筑悲歌易水寒那更顯送白衣冠荆卿神勇秦王獨  
左股先殘信實難

涿州行宮晚景

涿郡出南門行宮向遠原底須事蓼績亦自有亭軒西  
嶺銜春旭東蟾竚上元郊鎗真足賞民俗藉堪論豈不  
還淳念其間同樂存清宵閒點筆爆竹聽村村

涿鹿行四疊前韻

行宮近鄰四字城至今四疊涿鹿行昨宰耆定識僥倖

前丁擘畫思分明如願麥熟千村飽

去歲麥大熟

夏田苗秀

誠亦好不期秋霖忽致澇救災蒿目乏術巧匪民之過  
皆我尤猶幸此方蒙

眷稠豫省河決乃大沴賑濟不教餘力留重臣馳驛往  
督築幸能瓠子全功收往來巡狩無非事萬方方寸勵  
慎修

題酈道元故居

注水經曾卅卷成紫淵勝處最分明果然在涿惟言涿

地附青雲也立名

紫泉行宮十詠

敞軒

千秋一水帶新城  
變紫伊誰浪與名  
稍葺行宮省駝力  
疏軒早見敞三楹

屏山

圖水寬因致山聳  
三峯當戶畫屏風  
訝看中吐英英氣  
能爾為應王氏蒙

鏡湖

湛淥溶溶數畝涵碧波消息遞江南  
開奩設使辟明鏡却憶貞觀有理談

舫室

飛鳬不繫鏡湖涯似效昆明石舫為好惡毫釐可弗慎  
未斯安處早慚斯

梭亭

四柱孤亭臨石坡梭毛密葺耗婆娑雖然從儉還新樣

比似茅茨祇覺過

虹橋

長橋飲練學南國  
顛米詩情憶宛然  
幾度吳江訪古蹟  
不知其處祇名傳

魚罾

渚畔魚罾得所償  
豐於竿釣儉於網  
若非雲水滄浪意  
子莫執中底足長

石筵

十畝閒園五畝宅，逕惟曲折爾能長。因之悟得行文法，不在縱橫在抑揚。

竹埭

風處鏗然月處虛，幾竿牕外足扶疎。春來紫戩猶勻土，已覺干雲勢有餘。

箭廳

駐輦還教集羽林，學文皇習射親臨。尋常點綴渾餘事，嘉此知予奮武心。

上元前夕觀燈火

翠罕行春駐紫泉慶霄恰值上元前  
逢迎節物春郊外  
絞縛煙花凍浦邊  
玉葉猶鋪千頃素  
銀蟾祇欠一分圓  
明朝趙北臨嘉夜  
月暎冰嬉應倍妍

駐趙北口行宮即事

跋馬雄縣南須臾長隄荏行宮  
知己近煙柳柔條肄于  
邁指江南江南消息遞漁村  
與蟹舍近遠坡陀寄積雪  
冰鋪仍新水春生未野老  
捧木盤一雙冰鯉置還鯉命

賚之嘉此獻芹意

水鄉

水鄉也自藝桑麻去歲霪霖潦蠶沙絮矩原田經滯者  
合教一例賑期加

上元日侍

皇太后宴

南巡東陸奉

慈鑒三五昌宵月正團四海為家欽養



志萬年介祉永承

歡冰花火樹輝行館玉妝銀梁供大官此樂本來天下  
共即看祝

嘏待江干

上元於趙北口行宮同扈蹕儒臣詠冰嬉聯句

御製上元燈火歲常新渚館冰嬉倍可人恒奉

慈娛千萬載

試賡法從兩三臣雙盤紀勝纔聯鼎

太液摘詞早鏤珉

御製冰嬉賦  
曾經恭刻搨本

首頓廣陽偕燕衍

臣劉  
統勲

隔宵涿鹿普訢閤紫泉迎旭羅朝饌芳甸凝

膏潤宿昀

沼藥翦茨臨爽塏

臣劉  
綸

沙隄環栢倚崇闥縷金待暖將

拖柳泛玉流澌未點蘋廿五淀園迴雁泊

臣于  
敏中

御製十三橋次宛虹馴西春返照明銀燭東璧騰輝燦玉

津較量前番正嘉夜

探尋此地足熙春鄭瀛景物分明賞吳越謳謠次

第

詢近水香花瞻

翠輦

臣錢汝誠

展風蠲復賁

丹綸紫姑競賽田蠶盛泰壹叢祠膏粥頻宴啓傳柑隨

豹尾

臣介福

歌同依藻疊魚鱗連黿彩躡仙臚亘翔鳳苞

扶

寶閣循蘭淑汎觴先禊洛

臣雙慶

御製  
苑簷觀酺恰吹豳江南消息侵尋遞趙北煙花鄭重

陳況有于思隨蹕路

便教倒刺藉文茵聽催節鼓轟雷捷看上懸橦掣

電神猱挂月崖輕掉臂

臣劉統勳

鷄翻雲塔穩盤身招

搖稱手長竿拓才丁承趺寸櫬紉鬪罷老獬解

跪

臣劉綸

拋殘巨卵彈能勻傳聲

賜錙懽泥首對隊擎杯暖沁脣積素似鹽堆繼臘

臣于敏中

御製  
新陰如幄捲當晨冰含雪色炬千樹雪映冰光魄一

輪鋪得琉璃為世界

集來鵷鷺儼朋賓  
奩規皎潔圓靈鏡  
壺削晶瑩方

嶠玕百戲蹴花澄  
暑行

臣錢汝誠

九華結字澈  
奔淪菱

舟刺凍疑移嶼蓮  
座烘寒忽插旻  
灞岸詩情行得

得

臣介福

輞川畫本想粼粼  
從知柔谷回春是  
比似

搏桑不夜真迴憶  
六街看寂好

臣雙慶

御製每懷一盞對猶貧  
長筵列坐宣回長  
曲岼駢觀樂土

民平步星橋連貝闕

縱眸雲隴覆瑤塵魚驚啟蟄潛還陟鴻識隨陽漸

復遵銜燭熒熒周溟裔

臣劉統勲

然犀爚爚洞磯濱篆

噴甲煎逾安息燈窄流蘇奪大秦繞許翫脂紛匿

匝

臣劉綸

分棚蘭燄轟嶙峋霞標瞥起陽凌冶月地

徐融沍穀皴燕國新詞慚授簡

臣于敏中

御製魯山雅曲顧書紳遠村漁火依微辨近渚龍檠左右

巡項刻金蓮開萬朵

參差寶絡綴雙銀襄城赤幟塞中夕封氏花璫驗

半旬野老堵牆咸色喜

臣錢汝誠

內官立

仗不心瞋祥過卜繭餐餐餌采勝捫釘睹宿辰編戶獻

芹

行慶洽

臣介福

守臣負弩祝

釐申紅跗分窖歸蒸蔚碧剡同疇出塊垠清景當頭延

燕賞

臣雙慶

御製陽和有脚戴

鴻鈞底誇繼晷且經月要欲同歡並示仁惠遠行時難

聚置繫予本意在還淳

上元燈詞八首

前度江南此預日今番趙北正元宵  
觀燈例事庸宜罷  
况有輪班伯克朝

帝城三五常年景畿甸上元也  
自佳雖欲與民同樂賞  
微嫌守吏太差排

連宵都有郊燈燦今日偏饒冰戲  
奇燈燭冰光冰映月  
渾成世界淨琉璃



火樹千行方筵宴蘭煙百道與和凝空中宰堵須臾現  
寶月如來寂上層

絳葩結作榮光鏡翠火燃成瑞應圖聯袂童謳雖數十  
魯山于菟獨何無

古今燈月交輝夕一刻光陰一刻憐遙想皇州不禁夜  
香車寶馬正喧闐

蛭膏鶴焰齊輝映蟹舍漁村盡看來金鎖玉關原不藉  
和門行漏且遲催

欣無行雨與流風  
照得冰消更雪融  
入夜悄然羣鬧息  
團圓月相古今同

駐蹕思賢村行館題句

漢家太傅有遺祠  
行館於旁樸且宜  
兩字思賢易新號  
舊名四善村  
因易此名  
千秋稽古藉先資  
閭庭不改風還月  
款案依然易與詩  
一宿明當發清蹕  
已安容膝底多為

題授經臺

高臺喜識授經名  
太傅猶稱處事明  
河內後來傳趙子

淮南先是受賁生詩殊東魯意頗合易是專韓義獨精  
憩宇恰依林屋側睪然望古集遙情

上元後夕觀燈即事

上元初過景重提翼節煙花燦且淒耐可郊燈燃更鬧  
却看海月上微低紫姑祈後春蠶慶韓傅祠邊火樹齊  
湯道漢家關故事龍門太乙豈無稽

瀛州南樓四疊沈佺期韻

雲卿詠華譙綺句輝丹霄至今錦繡文不隨樓寂寥澤

國事時巡春晝揚和颺鳴鑾古瀛州短亭復長橋緬彼  
遺蹟處沙野迷近遙因之悟千古總資談議囂其人非  
所宗論世為此謠

河間道中再詠前題

日華坊

三雍獻雅蹟真嘉彰善而今有日華比似燾黃苴白者  
宏開兔苑底堪誇

毛精壘

大毛為傳小毛說博士河間領搢紳誰識詩壇尊揖讓  
積薪還右後來人

鳴犢河

夢帝埋符胥怪誕豈堪王道輔宣尼臨河不濟原天命  
鳴犢名因藉以垂

琴高冢

涓彭得術恣浮游肯為去聲故鄉一月留還復飄然垂鯉

去何來突兀土饅頭

條侯祠

誰云善相語全誣許負偏能相亞夫從理雖然事荒誕  
禍根種不爵徐盧

廣川臺

春秋義具天人榮災異陰陽却鮮稽未識葩經明哲旨  
奚辭譏謫相膠西

題毛公祠

村尚以詩傳心儀設教延淵源來子夏訓詁逮延年愛

此儒祠古兼臨行館便

地方官備數字總舍於祠旁既樸且完稱茲止焉

展書

樂清暇妙契鄭家箋

於毛公祠旁行館作

行館儒祠畔春風特地臨無邪蔽三百有傳至而今已  
喜書遙潔那更石徑深卷阿稍伴魚可愜昔賢心

即事

駐輦春風日又斜傳宣守吏問桑麻災區賑濟還當罷  
憩宇鋪陳底足誇且喜說經近毛氏不須買節學錢家

都京放燈自十三日至燕九茲以  
巡幸在途十七十八兩日命罷之  
行樂清夜無繁聒名  
教中原樂趣賒

示直隸總督方觀承及其屬吏

驅車過瀛州縱目瞻原田原田有積水冰凝雪鋪連秋

麥既候種

去聲

春種

上聲

亦覺艱去歲澇非常調幕吾恧旃

賑救或少靳灾黎何賴焉村行歷觀民色實鮮飢寒都

稱賴麥稔早收穫潦前此語疑信半況在蹕路邊其不

經見者寧無向隅人我惟加實惠爾其勉勤宣官階大



小殊民父母同然各盡保赤心蒼黎庶多全

紅杏園三疊前韻

今杏仍昔園三度曾駐輦乘陽行時令爰復停雲館撫  
景驗貞元晰理窮幽顯更無軍務殷喜有經書展迴思

此問夜始籌王旅遣掃逆蕪靖回

丁丑駐此時雖伊犁已定而賊黨巴雅爾

等乘阿逆之竄觀望煽動方命將士乘春進討今厄魯回部悉平為憶爾時行在旁午不禁喜惕倍增也

天恩錫盡善

題憚壽平萬橫香雪圖

居然眼界是平江雪也無端香撲窓野塢不嫌寒儉相  
絕勝暖閣護苔椿

萬樹斜臨清淺意六根消盡淨香時草亭一個為何境  
鄧尉山陰有所思

紅杏園夕景

成趣非關日涉怡情愛與古稽夕景偏宜颯爾春物未  
至昌芳盆裏梅全吐萼牆頭柳始生梯遮莫銀蟾虛度  
翦燈靜賞堪題

項聖謨雲林清賞圖

積雪在喬林茅堂映雪深眼中無別客膝上有橫琴一  
片冰壺是千秋古調尋鹿裘原不藉瘦骨耐寒禁

御行營

朝家制度萬邦懷肆武巡方處處皆罽室氍床原是便  
韓祠毛社底稱佳且欣與我周旋久更不勞他點綴排  
几淨窓明復清暇可能闕詠此行齋

燕九日賜隨營諸臣及直隸各官食

脩市行營御丘仙節日臨度疆留牧伯

明日入山東境直隸各官皆留

扈駕有纓簪宜與開春宴因之愜衆心筠沖常預席

隨行

回部王公等並得依次列坐

食黠擬懷音

### 燕九燈詞四首

風定寥天夕色曛春燈大野共民欣新詞耐可吟龍維

故事那須徵白雲

綵檠夾路輔塲寬迎送連郊列衆官

是日河東諸大吏迎駕畢集

小

部梨園人習見携来回伎伴同觀

植瓜種樹須吏速度索懸種巧創奇比似前巡真厚幸  
軍書丙夜罷疇咨

圍觀老幼數無萬不禁金吾同樂多入夜肩輿返帳殿  
百年休養此熙和

賜衍聖公孔昭煥

翠華迎謁蹕途旁德業宗風想益豐取道迤東卿且返  
迴鑾當一仰宮牆

過德州運河即事

卧波浮釣亘通津夾岸肩摩接駕人按轡徐行還徹蓋  
鋪衢隨覲不嫌塵益祈田穀資其食所喜民情向我親  
去歲此曾遭異漲迴思猶為恫闕頻

駐蹕德州示山東大小吏疊舊作韻

東省斯惟首頓居狩巡五載又臨予詎欣駐處閒庭廊  
尚念災餘比戶虛申命官箴宜惻爾設云民感益慚如  
十行頻有恩綸沛要在推行善體諸

正月廿日德州觀燈火

燕九過應燈火收何當繼照賞陵州疆連日翼陳宜聽  
幼挈老扶來不謀西漆南油齊屬目緣竿走索訝纏頭  
吾民樂即吾心樂紀載從他故事留

四依

皇祖德州即事詩韻

五度德州路民風不改初有成尼父語吾愧魯論書  
去歲盛秋霖協時乖曰肅竭力濟昏墊千村幸飽煥  
河南巡撫胡寶瑗接駕因問河工民務隨遣去

豫省昨秋澇宵衣切近思爾今來遠接為我說真知慢  
頌隄成速尚憐麥種遲饗殮得稍給屋宇可重治亟藉  
災區理寧須蹕路隨往哉勤汝事東作要乘時

### 賜山東巡撫阿爾泰

承宣原佐治安撫遂專衙

阿爾泰由山東布政使擢本省巡撫

課吏旌清慎

勤民重麥麻入疆此所慶行館彼非嘉

郟城行館蓋因地名郟子園之舊增

葺數椽用備臨憩阿爾泰以事非興作不先奏請然非朕所取也

化雨青齊被希璉政豈賒

### 賜河南巡撫胡寶琮



九江遷古汴因地藉賢材

寶琮前撫豫時練事日久去秋以楊橋工賑重務復自西

江調任中州

資爾尤熟路為予抒幹裁澮川別雍闕田野闢

汴萊善後方多務欽哉更勗哉

德州行宮疊舊作韻

京畿東省茲門戶水舸陸車滙路程幾宇行宮原早就  
一時賡韻又重成且遲柳色迎隄發已喜梅香對座榮  
遊豫大經曰休助載咨方伯體予情

題畫梅簃頭疊前韻

丁丑南巡時湯寫策頭置行宮中而去今來復見  
因疊前韻

幾圈還幾點前三與後三不因啓駕北那復識枝南  
老黃河

不藉浮梁策騎過土人說是老黃河居今故道圖還復  
封建井田差幾多

賜河東河道總督張師載

去歲楊橋決予當咎匪卿從來不諉過正爾憫奔驚

初報

漫口時張師載引罪惶遽曾諭以此非人事所能為慎勿張皇失措

師載故禮部尚

書伯行之子

奠安觀後成修防益勲愆最此繫民生

降旨免河南災地民借欠項因示胡寶琮

遇災蠲常賦賑期分次第輕重以為差是皆有恒例汙

萊闢綦要民力虞艱致牛具及籽種借與俾勤藝且緩

期以償無非為民計不期洊遇澇後更較前劇

叶

斯宜

曲加恩概與豁免暨毋令侵蠹役尤須督庸吏蘇彼幸

全民體予如傷意

# 平原行

平原高樓臨廣津平原樓上多美人槃散行汲河之濱  
美人一笑雙蛾嗔竟往索頭君未許歲餘賓客稍引去  
叶怪而問知賤士由乃斬笑雙美人頭造門謝璧客始  
留卒得毛遂縱約收穎脫而出固亦奇三寸舌強百萬  
師此事半信還半疑美人之頭偽乎真璧未謀面奚區  
分來去亦何與去聲衆賓大都龍門務辭工傳奇乃致失  
平公戰國機械以為功邈矣吐哺握髮風同時更有狗

盜雄

朱叔重春塘柳色

儒素偏兼繪事工春塘柳色喜韶融猶存北宋丹青法  
不讓大家簡淡風煙縷欲低旋復起泉流似斷曲能通  
天然佳句誰管領付與橋頭策杖翁

徒駭河

策騎過徒駭禹功猶可稽由來大事舉艱致衆心齊故  
道難循舊秋霖藉洩低

今運河秋漲  
由此洩入海

益慙三度往訪誌

議防隄

題飲馬池

飲馬陽阿尚有潭下齊當日識奇男  
覬覦何事窺神器  
鍾室淒涼轉不堪

三依

皇祖南巡過濟南詩韻

百里桑麻率有城無非保障庶民生  
與吾共者二千石  
慢爾徒稱天下平  
潦後尚嗟溝壑轉  
春來那見室家盈

巡方惠政循

前揆詎為華不翠色橫

箇山疊舊作韻

十日行春盡郊野今朝發駕見山姿逢迎喜與峰巒近  
駐蹕纔方卓午時

雪積陰崖勒薄寒和門武帳向南安予寧慮闕豐裘暖  
慮在多人布帳單

生色圍屏畫意衰謬聲泛出籟含涼前番却憶雪中見

依舊行齋松嶺陽

翠雲千疊弄春晴  
抱石為胎強項生  
落落寧同凡草木  
却隨冬夏變枯萌

柳色六韻

通閏立春晚  
因之春意遲  
今朝逢柳色  
頭踏露韶姿  
新綠未彈葉  
輕黃始染絲  
風梳方澹蕩  
煙幕欲迷離  
詎致連村暗  
且欣綴野宜  
麥鉞猶待吐  
縱目引遐思

題長城



乘山築鄣達瑯琊四起防門謹蔽遮榮士合從資倡議  
筭答天下屬贏家

靈巖寺西入石路仍用唐劉長卿韻二首

入山全展畫問逕每梯苔鬢相應須禮肩輿可漫回圖  
經誰說剎刺史此曾來秦嶽秀分得符秦境早開雲皆  
依嶂吐松不藉人栽甘露泉猶滌禪房重舉杯

前歲鑄巖句今看亦隱苔可知無住相勝處且遲回花  
雨當春落山容識我來鐘聲幾杵靜經帙大乘開忍草

庭中茁禪枝道者栽長城信佳作誰得議瓊杯

靈巖寺疊前韻

玉符祇苑由來久巖有佛居合弭靈豈必吳中八面塔  
請看厯下五花亭松因摩頂今聽法泉自渡杯古瀉潯  
別館近旁堪一宿清虛端足謚神形

卓錫泉上作

古寺禮靈巖春泉憩卓錫泉上自有亭左倚千尋壁松  
蓋密密張乳竇淙淙滴眉目于焉朗心神一以滌志乘

誰所作咄咄誇妙蹟錫如能昭昭泉即所歷歷便實有  
其事臨濟與棒喫

駐蹕方山疊舊作韻

誰向丹陽借宋符

江南上元縣有方山宋元嘉時何尚之退居處其地為丹陽郡所轄按山

東志載方山在長清縣界雖名同上元實即水經注之玉符山也

佳談一例助遊娛何

須此是彼非論不異水流山峙區行館數間堪駐耳好  
峯幾疊試登乎前年已是攜圖去今日居然身在圖

朗公石歌並為圖

玉符東麓卓立峯圖志猶稱是朗公人盡云然胡獨不  
飄飄合掌行雲空又如達摩面巖壁復傳曾有點頭石  
一之為甚可再乎初祖生公笑可惜興來為寫朗公貌  
三鬣何曾求曲肖眉毛拖地至今然海月團團鏡光照  
再題靈巖寺八景

巢鶴巖

羽客本來瑤島種何因瑞相兆開山應緣命命同飛去  
安養道場聽法還

甘露亭

甘露泉頭甘露亭  
瀾泉洗鉢茁蓮青  
無端津逮閣黎口  
說法猶當字字馨

卓錫泉

都大緇流也好竒  
錫傳乳竇注山陂  
玉泉第一惠泉二  
問爾神僧卓者誰

摩頂松

長安辭闕求西竺  
摩頂松何在魯東  
遷固猶然有踏駁

稗官奚怪語多空

鐵袈裟

鐵鑄袈裟圖久住誰能著得自元超蒲牢設擬鯨魚發  
也似鐘聲披七條

白雲洞

天半嵌巖名白雲晴空無雨亦氤氲前春憶得探奇到  
路自英英蔚處分

雨花巖

維摩室裏文殊問那是如來不二門付與層巖雨花者  
更無人說默無言

愛山樓

潔治行宮備豫巡高樓納得好山皺設云仁者有同樂  
便擬當春澤物均

方山夕景

雪積有餘寒山高易為暮松梢落暝色忽失蒼松處行  
齋倚巖半謾謾仙風御神謚息外營景清契始遇然此

不可著明當清蹕去

降旨免山東被水州縣積欠詩以誌事

夏諺曰遊豫其義重休助此地昨秋潦宵旰屢憂慮春  
來寬大詔率已屢頒布經過切體察老幼迎蹕路雖云  
無菜色猶懼有薪措廉知餘積欠期緩終應賦不如一  
與豁俾免催呼遽安心勤耕農有秋冀可遇

填倉日作


餅節途中度民風取次探炊煙村樹引漸水野橋含問



俗新棉有充庖嫩韭堪落莫纔數十積穀厘餘三



御製詩三集卷十八



總校官庶吉士臣侍朝

校對官編修臣王坦修

謄錄監生臣潘永煒

欽定四庫全書會要

集部

御製詩三集卷十九

二十

詳校官原任編修臣徐立綱



欽定四庫全書薈要卷一萬三千四百四十八

集部

御製詩三集卷十九

古今體一百十九首

壬午三

望  
岱廟

岱嶽崇隆百里瞻答陽

岱廟恤精嚴禮官肅祀儀雖備

巡蹕將經  
遣官告祀如禮  
岱宗

恭己

忻翹敬倍添

居震德宏六子率配

天澤厚萬方霑心馳未覺雲山隔敢曰誠通冀福謙

過泰山四依

皇祖詩韻

靈巖謂是高無比更有高峯在上頭瞻魯象曾詩裏想  
青齊色忽路前浮禪封玉帛秦芳漢襟帶耕桑郡復州  
保泰惟斯躬所勉况榮若彼志毋留

兩度天門親拾級

義碑捧讀五雲頭戊辰年事那堪道丁丑春巡過似浮  
不改肝宵勤庶政惟期樂利永齊州省方繼  
武一心切詎是無端七字留

閱本

封篆例應過節開閣章今日驛傳來敢云批閱吾閑矣  
益勅幾康其慎哉問俗巡方惟敬事察言觀行更量平聲  
材重熙處泰宜何務堯典欽明一語該

望徂徠作

徂徠松早似牛山孟子名言絜矩間只有竹溪傳六逸  
不妨傲士此高間

過汶河

靈源遠溯出萊蕪行地橫陳齊魯都是日輕輿復經過  
春風野約自清殊昔今不異觀民切來往寧因問景紆  
分水北南胥濟運古人相土有良模

羊祜城

桑梓猶傳僕射城峴山墮淚感輿情由來仁勝功遠矣

元凱沈碑空好名

至泉林二首再疊舊作韻

泉林子在川上處成誦髫齡記憶明五十望牆猶未入

東西歸壑又逢晴

泉林即陪尾山東西各有泉出牆則合一川為泗水矣

門庭熟

路無須問軒榭前題有若迎勝地良辰扶

翠輦

高年憩賞足娛情

我曾兩度駐負尾絕勝渾如初度來何必管絃誇熱鬧



可知泉石稱清陪觀民蒿目盈寧耳近

聖翹心鑽仰哉較量前番韋成武

丁丑過此時西師尚未藏事有不異前茲

惟問夜軍書籌畫為徘徊之句

幾間對景一徘徊

三題泉林行宮八景

近聖居

近聖人居若此甚然而無有則亦無子輿斯語俟神會  
會者依稀程與朱

在川處

泛海猶然來往續印心何異鏡開奩千秋川上徘徊者  
誰解宣尼道體拈

鏡瀾榭

自露妍媸不示形迴塘流動復滌滄何須博古圖中考  
此是軒轅一片青

橫雲館

陪尾何曾高百丈地靈亦自解生雲憑軒不惜藏山色  
却為春郊作雨欣

九曲釣

山下出泉成野河板橋接岸往來過底須九曲擬仙境  
樂事由來名教多

柳煙坡

大戴禮詮正月候協時近可驗長條若為畫筆能傳照  
煙意惟看此處饒

古蔭堂

杞樹輪囷巧覆墀春來重見出塵姿喬柯為問何年發

性善曾箴告子時

紅雨亭

春曉緋枝苞尚含  
趙程巡蹕指江南  
漫言佳景成孤負  
看到霏霏轉不堪

賜山東巡撫阿爾泰及其屬吏食詩以示志

泉林卓午駐琯輪  
賜食茲邦執役臣  
灑道清塵都致敬  
遊休豫助重時巡  
詎欣別館美如許  
惟厘災區惠可均  
一食不忘君  
見說還當一食不忘民

坐泗水源上作

陪尾真寶藏靈泗山根伏回回出乳竇元氣滋滲漉胚  
胎轉天輪鴻濛運地軸夏涼却冬溫襟嶽而帶瀆我來  
源上坐首春清且淑四山葉尚黃一川藻常綠信可鑑  
毛髮寧當論纓足緬懷子在處千秋示理躅不稱俗慮  
蠲直可道心復

再題橫雲館二絕句

團圞鏡樣抱雲廊中有三間白玉堂內外虛明渾似月

不須脩樹著吳剛

春風今日值清明俯攬春郊未試耕  
傍晚英英南嶺蔚地靈映帶不孤名

泉林行宮晚坐

別館春風夕景侵泉林真箇好泉林  
盛名難副茲誠副聖蹟宜尋近可尋  
川氣滃然連古樹暮春邀爾隱遙岑  
神凝乍欲忘機象翦燭匡牀又課吟

綽楔宮碑八十年

行宮前  
二十三年

皇祖碑記  
此時是康熙  
南巡旋蹕將詣曲阜

經此  
所建

每來敬識弼仔肩總林樂利仍依舊赫濯聲靈勉

繼

前祇祝耕犁豐沃野幸過籌筆奠新邊  
卷阿幾度分明憶駒隙遷中有不遷

微雪四首

兩度蒙山都見雪今來峯頂又生雲  
已看積玉原如昔設更飛霙益可欣

厯辰過午蔚雲濃憑輶遙看麥壠封  
傍晚綏綏忽密灑

春郊如約邁奇逢

亂飄斜墮態森森  
氈室茶鑪悅可心  
素積高峯直北望

蒙陽瑞色接蒙陰

辛未丁丑皆有恭和  
皇祖蒙陰積雪詩

原田三白積漫漫  
微雪欣宜此處看  
便使開晴尤恰當

恐妨春氣轉嚴寒

蒙陰積雪三依

皇祖詩韻

瑞雪春朝遍野封

立春日京畿至齊魯普  
獲瑞雪此處尤渥霑

節遲遇閏未興



農山靈蓋不違

堯命示我

詩情在玉峯

望蒙山雪色再疊舊韻

翠微積素訝偏同三度春光一例中此可無言平野過  
試看有霧遠峯蒙賦情因遇思梁苑詩意其雱緬衛風  
較量前番饒厚幸伊犁早慶兆農功

丁丑疊韻有遐心  
憶到伊犁塞竹待

王師早建功之句近得駐伊犁大臣阿桂奏則各部屯  
政畢興收穫倍稔且過冬雪兆慶有秋實堪欣慰也

望南城山

志傳曾子  
侍父處

古鄴城南聳碧峴卜居養志樂閭閻龍門如擬青雲士  
吾謂斯山善附人

過古鄴城

食邑有如此應知公室微甚哉過百雉久矣墮三園野  
落幾家聚荒榛數鳥飛猶餘胥井在尼父致深譏

萬松山停蹕

停蹕山欣號萬松春晴滃蔚綠陰濃無多室宇花宮側

近遠都來眼界供

北軒耐可縱遙眸  
疊浪喬松翠欲流  
設擬遨遊雲海上  
不瀛洲定是防丘

春風琳宇小停驂  
幾檻青雲映碧潭  
謾議小山無故事  
八公見說晤淮南

正月晦日聞雁

今年遇閏遲春節  
趙北未看人字過  
落盡冀方聞嘹唳  
果然陽鳥信堪多

二疏城

荒城名尚二疏存置酒捐金廣主恩賢損志愚益其過  
不惟高見實良言

題于公宅

定國為廷尉民自以不寃致興乃在是鉅筭安足論孝  
婦不能救祭致身後恩史遷無卓識猥稱多活人姑息  
亦甚易咸當高大門弼教之謂何舜宜肯吾言

二月朔日復雪

前日微飄今大作行營早是駐鳴驂背迷遠岫銀屏績  
細糝長空玉鳳毳滋護麥根纔仲月芳遲梅蕊待江南  
發生未望寒無礙喜遞勾吳潤意含

過沂水

遙源溯臨樂巨浸注青州是日橫橋度春風野水流北  
瞻山已遠南指樹如浮神禹高臺在千秋聖蹟留

晴三首

昨日雪將二寸餘嚴寒切慮變春初晴和更復無風色

榮馬青郊意為舒

路放瑯琊遵海南橋過沂水境臨郊萬民迎蹕情親切  
露冕南巡逮此三

輭曦融雪作輕泥喜復無塵逐馬蹄却為閏年遲節令  
麥苗待看茁青齊

郊子園六韻

觀民指吳會按頓莅郊墟少皞嗣封後春風駐節餘何  
當庭館此為愧盱眙予一宿園奚藉千秋蹟信諸既成

斯不說至止偶相於誰與徵傾蓋因之試訪書

入江南境

雪霽春郊喜不風入江南境便韶融此疆彼界爾雖異  
圖易思艱我總同但覺民情更親切爰咨吏治可明公  
翁河汜利巡方要名勝休誇點綴工

過峒嵒山

三度觀民駕幸吳春風又復過司吾蒼松間出紅牆寺  
信遞江山畫意殊

拂廬停蹕對青山石洞流泉想像間  
合十僧雛紛候輦可知虛擲半朝間

三依

皇祖示江南大小諸吏韻

四海皆吾家羽林無煩輒遊豫  
本為民艱厓咨剖忽生乎所易懈  
萌在經久而吾何敢然慎終勵其首  
巡方法

皇祖視膳奉



文母南邦已蒞止農實勤南畝風俗不異前教養應善  
後善後非更張章程貴謹守老幼盡安懷閭閻自親友  
庶幾休以息世共登仁壽三賡緬

堯巍一意懋湯負

駱馬湖

當春資濟運行潦藉歸川實有關閭里要惟慎節宣橋  
橫下口處帆掛遠天邊幾度思長榮致艱利如田

渡永濟橋疊舊韻作歌

司吾除道遵逋迤雪消平原有積水故知此邦易致潦  
頻賑無能瘡痍起長橋前度憶圯顏鳩工重築親相視  
今來歲役利往來春時水弱行壑裏夏霖秋潦不可當  
曾無良法慙徒爾徒杠輿梁有常經不虞之譽求全毀  
咨爾羣工善勤宣豈能一一待親理與我共之之謂何  
食天祿斯民所恃示懷聊此舉大凡加惠蠲逋即繼以  
順河集行館作

登舟尚遲

去聲

四朝程儘可脩除張幕城何事居然亦室

宇稍欣未致大經營  
土香階草繞蘇紐風細  
盆梅欲放榮西望運河  
隄傑峙幾多酌劑繫予情

放筆寫盆梅並為是歌

順河集邊室數楹防湫濕  
建由大吏既樸且淳秀而野  
江北已遞江南意春風駐輦  
喜清舒庭有盆梅為點綴  
藏苞含萼未全開以未全開  
益佳致觀其醞釀有餘思  
設已爛漫夫何味鄧尉香雪  
即當逢女夷酌劑有深義  
因之放筆為寫生无咎元章  
法總置尺蠖之屈以求信

妙筦由來易理契

過宿遷縣

登隄指桃鎮隔岸望公猶百雉閨閣固萬家煙火稠民  
風咨利弊漕運欲周流觸目無非事吾寧為豫遊

榮馬度仰化集口占

老幼數無萬都為仰化人斯之未能信慙愧頌聲頻

賜兩江總督尹繼善

保障資三省忠勤著兩朝節樓無過久

尹繼善於雍正七年巡撫江蘇

旋兼節制歷兩江雲貴川陝諸重任幕府獨稱超善得而兩江至今凡三莅前後三十餘年

軍民服兼能上下調暇還工作誦吉甫可同條

賜江南河道總督高晉

撫皖昔叅俎督淮今建旌

高晉昔為安慶巡撫時命為副總河俾習河務簡賢

我惟切盡職爾應誠兩世司河務

高晉高斌之嫡姪也

一心如水

清勗哉為國幹便是繼家聲

過宿遷命借給民籽種

宿預地卑濕十歲九逢災慘然思救濟剔鬻示前迴去

歲乃免滂賑恩例弗推一夫苟向隅如傷繫吾懷矧此  
瘠郡民艱狀憶向來較昔雖小差曰蘇實未哉當春東  
作興籽種要安排借給俾勤耕庶幾闢汙萊便幸逢有  
秋毋遽科呼催

隄上偶成

運河轉漕達都京榮馬春風隄上行九里崗臨禦黃壩  
曾無長榮祇心驚

半是郊村半水莊輕風馬上曉猶涼韶光南國不相讓

已見沿隄柳色黃

鋪路蒼黎日覲光  
京垓兆億數猶強  
皆資飢食寒衣者  
奚怪絲糧價不昂

宿遷迤邐接桃源  
澤國觀民鮮飽溫  
侍衛囊金分賜與  
途次命侍衛視迎駕年邁者分  
賜優老牌其貧者量給銀鏹  
慙無暇計子輿論

降旨加賑江南去歲被災州縣詩以誌事

遇灾蠲賑循常經  
賑則有期蠲賦耳  
積逋原在不蠲例  
加賑更惟待特旨  
新正江浙逋盡寬  
入疆民瘼尤詳揣

雖無展轉溝壑人大半衣裳多藍縷叶賑期視災為短  
長長者較可短奚恃命加一月普予糧無論極次貧同  
視搏節庶可度青黃尚在有司善經理謐黃謝惠亦何  
必調幕懷慙正無已

### 閔中河

汶水分南北皇都轉漕資酌中河性順

楊莊中河  
皇祖所定規制

也  
利後

聖謨垂已  
是閔三度無能贊一辭  
守成吾所勉  
靡不詎



惟斯

楊莊牖三依

皇祖詩韻

剡木千秋利賴餘為籌節制立姑徐行其無事戒穿鑿  
顧語河臣記莫踈

幾縷輕黃染柳絲春光日日近南移羣知有喜緣行令  
意在繩

先豈盡知

渡黃河七言近體八韻

半夜風狂曉畧息登舟五兩更全停  
土臣執役喜無比  
河伯昭庥信有靈

悅豫慈情欣穩渡

狩巡祖制緬恢型  
霽霧清旭全開朗  
歸壑長川貫毒亭

去年豫省堵築楊橋漫口功成迅速合龍時且  
有迴風助引之驗已命於工所建祠報  
覬  
浩瀚宏

波覘盪穢配藜元氣護揚舲  
孫莊縹渺成彼岸  
彭口須

吏泊近汀

惠濟祠虔瞻廟貌清黃滙謹度情形  
神堯方畧貽良範慎守惟乾冀永寧

清口

去年河決楊橋驛清口清流始暢適開封迤下方免灾  
不幸幸難料以逆賈魯奪溜仍歸淮日久慮致開門揖  
劔劔督榮築宣房發帑屬薪所弗惜未三月乃大工成  
事在人為語不易淮仍讓淮誠甚佳河終歸海路艱得  
即今河復並淮行刷黃至竟資清力清口東西壩對峙

忖量節宣慎寸尺補苴罅漏賴斯存蒿目何年當底績  
惠濟祠

河畔崇祠金碧煌蓬萊祇在水中央載瞻鳳祀還龍戶  
永奠內清與外黃功在民生宜祀典德惟坎濟受  
天慶禱之久矣寧因己惠我黔黎識不忘

木龍示總河高晉作

總河高晉欲建木龍刷沙因渡清口指示其處  
蜿蜒橫灘木寓龍非循雍時擬臨衝倍功半事惟斯捷

射浪停沙作爾庸積土陶莊希盡刷暢流清口庶恒容  
卿家阿大中郎法斟酌尤宜勉繼蹤

麥色

過河逢麥色寒暖北南殊因憶尤教喜入詩兼可圖未  
成風擺浪已自露貫平聲珠賴此青黃接絕勝看綠蕪

閱河三依

皇祖詩韻

閱河日晏駐舟營

河以北皆陸營渡河則水路以舟為營故云

紆蹕因多廿

里行一述

前規無敢作

當年曾是慶平成

登安福艫作

御舟先至候河干  
此日登舟暫解鞍  
問俗省風胥要務  
吳山越水得因觀  
斂時敷錫庶民福  
敢曰優游天下安  
祇覺羣情益親切  
駢填夾岸喜迎鑾

清江浦

清黃漚後清常弱此號清江意寓深咨爾建牙督河者

體予保障恤民心春巡問俗欣猶昔水驛行程數上聲自

今安福艫

御舟名

中梅一朵江南消息遞侵尋

### 盆梅

河北盆梅含蓓蕾河南盆梅三兩開地氣纔方一水隔

遲速頓殊如是哉似為

去聲

鄧尉報佳信恰與安福

御舟名

為清陪入窓風度香細細寒簾月映色皚皚是色是香

都契妙小許大許誰評材何當寄語昌昌者轉欲芳華

款款來

月

溪雲傍晚徂春魄一川鋪水宿景尤絕江鄉興不孤蓬  
窓真恰當檣燭更何須趁月前行者開船聽相入呼

聲

題漂母祠

寄食淮陰未遇時無端一飯獲崇施至今漂母猶歆報  
鍾室淒涼欲恨誰

過淮安城



分野瞻星紀聯城逮射陽始營猶憶晉重築更傳張濱  
運接南北臨淮謹禦防觀民還按轡過郡亦登航愛戴  
羣情切安懷予意憂一人艱遍及慎選有司良

賜漕運總督楊錫紱

轉漕由來大政關得人久任謂卿閑四星儲蓄天容與  
千里北南歲往還革弊深應體民隱董餉兼欲恤丁艱  
奉公盡職誠斯在扈蹕儀文儘可刪

閱淮安石隄疊前韻

黃流昔南遷奪淮挾歸海於一已覺難况兩難更倍聞  
堰非不夥各以所見改因之水益高受病實多載

皇祖厘民瘼濬距

勞乘橈曰予瞠乎後庸詎悉源委雖然敢不體所以南  
巡每脩防戒更張鞏固奉

模楷土隄易石工寓賑兼免殆丑歲已告成為魚憂早  
罷今來益繁滋比戶歌安愷開封憶昨秋又為豫人駭

雨

大霧翻為雨江鄉有所常濕衣看不見憶昨詎曾忘川  
路依微辨船廬料峭涼農桑未興候陰霽總無妨

唐寅山水即用其韻

主翁何處去艤棹待翁歸僮子閒相語何如鷗鳥依

晴三首

澤國今經三度過不愁雨少祇愁多西風捲霧晴光放  
嫩柳輕蕪景色和

小涇南接大涇河淺洞沿隄洩漲波農事未興信何礙

夏秋為壑患常多

一道長隄柳向城  
水田鱗疊野橋橫  
御舟且慢乘風利  
霽景天然入畫情

襍言

兩日陰晴大霧為雨  
舟行致遲數刻里許  
一時風作順風揚帆  
數里片刻此樂不凡  
往屈來信屈信相感  
精義入神不出近覽  
桅席飽掛更當迅斯  
黃頭弗可厭有理  
辭一往赴勢末恐難  
收萬事如此寧惟行  
舟咄哉至言

足以起予執藝以諫不拂曰俞

過寶應縣

古縣閭閻濱運河安宜三度此經過艤舟策馬從民願

每至城市多捨舟策馬過之  
欲以觀民亦從民所願也

就日瞻雲聽彼歌昨歲雖

云被災小僻鄉寧鮮向隅多越隄邏壩原林立蒿目脩  
防竟若何

題宋旭山水

竹籬茅舍帶江村萬壑千巘勢吐吞山淨無雲遮玉宇

雨餘有水到柴門  
仙家雞犬那聞吠  
世上簪裾且漫論  
不著桃花林夾路  
恐防認是武陵源

過高郵州

黃龍曉發近孟城  
上岸乘驄按轡行  
綉莢珩紈却虛飾  
黔圍黎繞驗真情  
早知江國民居庶  
且喜槐街米價平

歷閱黨軍隄復舊

州屬黨軍樓隄工上年七月為風暴衝齧旋即堵築今周視一律完固

迴思去歲尚心驚

文遊臺

穹若高臺出樹看五賢當日此盤桓猶傳東郭文遊處  
不異西園雅集觀稱勝以人詎以地尚論平聲為羨那為  
嘆千秋俎豆興情頌元祐寧須做好官

題露筋祠

烈女唐時傳露筋米襄陽誌有佳文若論平聲茹苦冰霜  
操畫棟雕梁寧所欣

賜蘇州巡撫陳宏謀

外吏中惟久由來繇鉅勝體予視傷切謂爾佈恩能必

有遠猷贊寧惟苦節稱金閭誠富庶返樸最相應

賜江蘇學政劉墉

皖歙嘉能職吳淞俾董繁先經後子史多行

去聲

寡文言

可作化裁法毋孤簡用恩繫予勤實政藻頌不須煩

香阜寺

過岱多平陸臨江得小山伏龍知有角

香阜蓋蜀岡伏脉

見豹

底論斑畫舫於斯易

易輕舟遂達天寧寺行宮

花宮祇是間行齋知

已近五載隙駒間



天寧寺疊前作韻

柰苑香花集禪侶

慈寧萬壽祝如陵似茲邨可異端闢但彼誰臻最上層  
忘所入流佛惟寂遇佳得句我猶能論民便欲論其苦  
廿七年来心是憑

駐蹕天寧寺行宮作

別館天寧古寺邊居停許就舊材便雖然商力非民力  
但覺今年勝昔年墨斗硯山足遣逸琪花瑶草底須妍

省方更切還淳意不為怡然為憮然

哈薩克陪臣到因携觀廣陵風景

哈薩朝正貢馬頻路遙遲到值南巡因教馳驛來江國  
便挈行春閱綺闌昔歲觀光稱使者

辛未準噶爾使臣  
曾命至蘇州賜諭

爾時準夷尚未勦滅哈薩  
克原屬準夷不通中國也今番優賚實陪臣廣陵鄂畚

哈薩克  
地名何南北總我心懷保赤人

題九峯園

榮馬觀民度郡城城西池館暫遊行平臨一水入澄照

錯置九峯出古情雨後蘭芽猶帶潤風前梅朶始敷榮  
忘言似泛武夷曲同異何須細致評

遊平山堂即景襍詠八首

九峯園畔換輕舟古郡城西初度遊二十四橋雖莫辨  
紫微猶足緬風流

樓臺絲管廣陵擅廿里雙隄隙地無幼挈老扶恣瞻就  
吾心所喜在斯夫

陪臣賀節大宛朝侍衛携來不憚遙便許隨觀都踴躍

無文徑說踐虹橋

舟移岸轉換歌聲早見平山翠黛橫五載流陰繞瞥眼  
越豪今日是吟情

一脈西來總蜀岡安名立字定何妨東山偏自稱功德  
蓮界因之禮法王

瀑泉淖沕落雲空宛轉輕輿有路通對峙雙峯度雲棧

笑他望蜀太求工

是地有雙峯  
雲棧之名

山堂小憩引遐思論世端宜尚友茲漫惜梅花開未盛

看梅恰合是斯時

閨藏芳信待維揚霽旭和風了不涼  
綠蕙紅襟爭放色  
平山今日識春光

題平山堂

賢守建堂鄰大明

輿地志堂在大明寺側

江南山色與簷平家聲

讓彼稱三至朋盍欣茲近四并

三至堂曾肇建四并堂韓琦建皆見誌書

古

往今來總佳話松風水月邨間情  
林泉不異前巡況一卷真教畫裏行

第五泉

平山堂畔石闌圍甲乙由人弗是非三度頻臨收勿幕  
勞民勸相慎幾微

蜀岡

何山不自西南來崑崙地脊支派開叅軍文賦具卓識  
圖經地紀拘墟皆茱萸灣口進輕舫平山堂上聊徘徊  
遙想當時賢太守二三良友相追陪還淳返樸豈無意  
要當因民為化裁廣陵繁華今倍昔蜀岡地少多樓臺

歐陽庶近吾庶遠近者艱致况遠哉居今志古詎易事  
蜀岡之什因興懷

題蓮性寺

江都城北多陂澤水物由來清且奇  
瀟灑青蓮宇標性  
交蘆同悟合還離

遊倚虹園因題句

虹橋自屬廣陵事園倚虹橋偶問津  
開處笙歌宜遠聽  
老人年紀愛親詢  
柳拖弱縷學垂手  
梅展芳姿初試嚙

預借花朝為上巳

是處舊名虹橋脩禊  
明日即花朝故云

冶春慣是此都民

題淨香園

滿浦紅荷六月芳  
慈雲大士水中央  
無邊願力超塵海  
有喜題名曰淨香  
結念底須懷爛漫  
洗心雅足契清涼  
片時小憩移舟去  
得句高齋興已償

青琅玕館戲成口號

萬玉叢中一逕分  
細飄天籟迴千雲  
忽聽牆外管絃沸  
却恐無端笑此君



趣園

偶涉亦成趣居然水竹鄉因之道彭澤從此擅維揚目

屬高低石步延曲折廊流雲憑木榻喜早晤宦光

亭中木榻

甚古樸刻趙宦光題流雲二字及董其

昌陳繼儒題語雖屬偽作頗愜幽賞

再遊平山堂

時節逮花朝百卉舒韶光駐蹕有餘暇爰再遊山堂遠

迎坡梅紅近拂隄柳黃夾隄多名園時復一徜徉遇佳

輒留題好樂亦戒荒畫舫不知遙至止大明

寺名在山堂左首

旁迴出適所逢試問因何芳地勝究以人畢然懷歐陽  
既乃怵然懼得毋誚馮唐

高詠樓

高樓蘇蹟久羶薌今古風流翰墨場八詠遙年符瘦沈  
一時同氣近歐陽山堂返棹閒留憩畫閣開窓納景光  
却憶髯翁擬擱筆似聞翁語正何妨

慧因寺

金粟如來是慧雲迴超緣覺與聲聞猶嫌靈運為饒舌

孟顗精勤底足云

塔灣行宮三依

皇祖詩韻

二月東風桃始華  
南巡本意厪桑麻  
郡城南過甘泉市  
行館還依法苑家  
澤國今其足衣食  
廣陵古漫詡煙花  
牖民不藉重申命

皇祖詩篇早戒奢

花朝放歌

花朝率以度北地十年九不逢花開因緣今歲幸江國  
春寒却慮含苞胎過日維揚轉淑氣山檠水仙將野梅  
吐芳續艷各殊致似報今日花朝來登舟解纜順流下  
塔灣早到纔已牌沉檀為氣錦為谷對以無欲胥清陪  
鼓催詩迫兩弗藉地靈權巧為安排花露磨墨寫花韻  
前巡節物依然佳

塔灣行宮再依

皇祖示江南吏韻

別館運河側南巡此重

去聲

經閒堪閱書史樂不在池亭

惟切肝宵志匪耽月露形申咨大小吏有惠莫屯停

題文徵明吳淞草堂圖即用其韻

過眼風光共水流却憐畫意報迎頭塔灣春午先題幘  
揚子明朝始渡舟且喜將臨不多日漫言小別數經秋  
草堂豈復吳淞在作證惟應是野鷗

御製詩三集卷十九